

Nsenga - Ciweme-Ciyipa Malingililo Malembo - Good-Bad Mind Scriptures

Ciweme Malingililo Malembo - Good Mind Scriptures

Maliko - Mako 5:15 Na kuti pecifwika kwa Yesu, ewona munthu enzonkhala na ciwumba ca viŵanda, enze nkhezi pamene apo, wovwalikiwa na kuti enze luweme; nipo wonse ecita wowa.

Luka 8:35 Wānthu wāla efuma kuti akawone vicitika. Pecifwika kwenze Yesu, efwana munthu wecifumyamo viŵanda wala, ali nkhezi pansi ku mendo wā Yesu, pecivwala, kusiluka kwala kwisila. Wānthu wāla ekatiwa na wowa.

Machitilo 17:11 Ayuda wā kwala enze na mitima yomasuka, kusiyana na wāla wā ku Tesalonika. Wēve epokela Malizu wā Mulungu na mtima wopangwishisha ngako, nipo nsiku na nsiku enzosakila mu Malembo kuti awone keno ni vyendi venzolawila Paulo na Sila.

Machitilo 20:19 Nenzotumikila Asikulu molicefyā ngako, pakati pa cisoni na matamano eniponela cikomo ca msikila wa Ayuda.

ARoma 7:25 Tutembezya Mulungu kupitila mwa Yesu Kristu Asikulu wāsu, lomba newo neka nutumikila Matetulo wā Mulungu na mtima wangu, koma na unkhalo wangu nutumikila matetulo wā ucimo.

ARoma 8:6 Kumvwila unkhalo uyipa ni kufwa kwamene, koma kumvwila Mzimu Mtuŵa kuleta moyo na mtendele.

ARoma 8:27 Nipo Mulungu wamene ololesha va mkatī mwa mitima ya wānthu, woziŵa vakupangwa Mzimu Mtuŵa, pakuti Mzimu olombela atuŵa mtima wā Mulungu ngani mwakupangwila.

ARoma 11:34 Ngani Malizu wā Mulungu olawililatu kuti, "Ni wāni woziŵa malingililo wā Mulungu? Ni wāni angamupe malangizyo Asikulu?"

ARoma 12:2 Osakonkhelela unkhalo wa wānthu omekela va pano pansi, koma Mulungu ayaluze moyo wanu wonse pokupani mtima wa lomba. Pamene apo mukaziŵe vakupangwa Mulungu, vamene vili viweme, vangwilyo na vomtemwesha.

ARoma 12:16 Muwokuŵa luweme na ayanu. Osalimvwa, koma mukokuŵa wopangwa kuyanjana na wānthu wamba. Osaliyezya wā nzelu.

ARoma 14:5 Munthu yumo olingilila nsiku imo kuŵa yopula masiku ayakine, koma muyakine olingilila masiku wonse kuŵa wolingana. Aliyense awocita mwakusimikizyla mu malingililo wāke.

ARoma 15:6 nipo akuyavyeni kuti na mtima umo na pa kamwa mungacinzike Mulungu na Awisi wā Asikulu wāsu Yesu Kristu.

1 AKolinto 1:10 Mwenekwasu, nukusengani mu zina ya Asikulu wāsu Yesu Kristu,

kuti mukozomelezyana pa vamulaŵila. Osati paŵe kusalulana pakati panu, koma mukomvwana ngako–ngako pakuŵa na mtima umo na malingililo ŵamo.

- 1 AKolinto 2:16 Ngani Malembo olâwila kuti, “Ni ūani eziŵa malingililo ūa Asikulu, kuti angawape malango?” Koma sewo tili na malingililo ūa Kristu.
- 2 AKolinto 7:7 Nipo cecitikoseshwa naco ni kuwela kwakelini, koma soti malizu olâwila va yeve mwemwemukoseshela mtima. Etiwuzya kuti muniyewa kuti muniwone, kuti muli na citinthi, nipo kuti mucita kapamphu kuniyavya. Ni cikomo cake nesangalala ngako.
- 2 AKolinto 8:12 Malinga munthu akaŵa na kapamphu ka cotwala, Mulungu opokela motemwa valinavo wala munthu, nipo opatikizyalini kuti atwale valiye. (1 Klonike 28:9)
- 2 AKolinto 9:2 Nužiŵa kuti mupangwa ngako kuyavya, nipo nulawîla viweme va mwewo ku ūanthu ūa ku Masedoniya cikomo ca ici. Nenzowawuzya kuti, “Enekwasu ūa ku Akayiya ewamyâ kale caka casila kuti ayavye.” Nipo kapamphu kanu kayimya anyinji kutolako citwa mukupa.
- 2 AKolinto 13:11 Lomba mwenekwasu, ūani wosangalala. Mumvwile malangizyo ūangu, nipo muwamye veyifyika. Mukomvwana nakuŵa na mtendele. Pamene apo Mulungu wa cinthemwa na mtendele aŵe namwe.

Aifeso 4:23 Mitima yanu na malingililo ūanu apangiwe ūa lomba.

AFilipo 2:2-5 Tweshani cimwemwe cangu mu vocita vanu pokatizyana malingililo na kutemwana cimozi–mozi, kuŵa na mtima umo na malingililo ūamo. 3 Osacita kanthu na mtima wozitemwa keno wolicisha. Koma ūani wolicefya, nipo aliyense akowona ayake kuti ni wopula yeve. 4 Osapangwa tyala vowamila mwewo mweka, koma soti vowamila ayanu. 5 Nkhalani na mtima ngani wenze na Kristu Yesu:

AFilipo 4:2 Yuwodiya na Sintikeyo, numusengani kuti muŵe omvwana, mwa Asikulu Yesu.

AFilipo 4:7 Potetyo mtendele wofumila kwa Mulungu, uli wopula nzelu zonse za ūanthu, usunge luweme mitima yanu na malingililo ūanu mwa Kristu Yesu. (Yesaya 26:3)

AKolose 3:12 Nimwe ūanthu osaluliwa na Mulungu, atuŵa na wotemweka. Tetyo, vwalani ivi: Iusungu, uweme, wolicefya, wofasa na kupilila.

- 2 ATesolonika 2:2 Malingililo ūanu asasung'uzyike keno osati asokonezeke mmangu. Nipo musayofyewe na malizu olâwila kuti, “Nsiku ya Asikulu yafwika,” cukanga kuti alaŵile kuti malizu na mauneneli aŵa afumila kwa sewo, keno tacita kuŵalembela mu kalata.
- 2 Timoteyo 1:7 Pala mzimu wecitipa Mulungu ni Mzimu wosatipa wowa yayi, koma mzimu wotipa mphamvu, cinthemwa, na kuzilesha.

Tito 2:6 Pamene apo soti alumbwana aŵawuzyishishe kuti aŵe ūa malingililo ūa nzelu.

AHebeli 8:10 Leza olaŵila kuti, "Ici ni cipangano catinikapange na ng'anda ya Isilayeli akayopita masiku awo. Nikayike Matetulo wangu mu malingililo wawo, nowalemba mu mitima mwawo. Nikaŵe Mulungu wawo, nipo nawo akaŵe wanthu wangu.

- 1 Petulo 1:13 Ni cikomo cake mtima wanu uŵe wokonzeka. Wani wozilesha. Yikani cilolelo canu mofwishapo pa cisomo ca Mulungu catiakalete Yesu Kristu akayowonekela.
 - 1 Petulo 5:2 Malizu wangu ni aŵa: Wetelani umba ya mbelele za Mulungu zili mu manja mwanu. Osaziŵetela nga kuti munthu okukakamizyani, koma mopangwa mweka, ngani mwakupangwila Mulungu. Musacite nchito yanu pokonkha phindu yoyingopangwa ndalama, koma na mtima wopangwishisha kutumikila.
 - 2 Petulo 3:1 Iyi ni kalata ya ciŵili yanukulembelani lomba, wotemweka. Mu wonse aŵili, nupangwa kuwusha mitima yanu kuti muŵe na malingililo ūa vyendi.
- Yakobe 1:17 Cawanzi ciliconse ciweme cufumila Kululu, kwa Atata, Mulungu Nyamalenga wa vonse vosanikila mululu. Weve oyalukalini na patontho kumo, nipo kuŵala kwawo kuyalukalini. (Yobu 23:13)
- Cokundululiwa 17:9 "Pano niye pali malingililo ūa nzelu. Mitu isanu na iŵili ni malupili asanu na aŵili walunkhalepo mwanakazi.

Ciyipa Malingililo Malembo - Bad Mind Scriptures

Maliko - Mako 7:21 Cikomo vufuma mkatı mwa mitima ya wanthu ni ivi: malingililo ayipa, kacenche, unjivi, kupaya, (Ezekiyele 38:10)

Luka 12:29 Ni cikomo cake osacita nkhawa nosakila vakuti mulye, keno vakuti mumwe.

Machitilo 12:20 Helode ekwiyla wanthu ūa ku Tilo na ūa ku Sidoni. Tetyo, wanthu ūala ewela pamo kwa yeve. Etatika kunyengelela Blasto, kapitawo wa ku ng'anda ya mfumu, nakuyosenga mtendele, cikomo cakulya ca calo cawo cenzofuma mu calo ca mfumu yala.

Machitilo 14:2 Koma Ayuda aliyocetekela, ewusha mitima ya ūa kunja ūala kuti atinkhane na Akristu.

ARoma 1:28 Pakuti enzolingilila kuti kukonkha Mulungu ni kupusa, Mulungu ewalekelela kuti awocita vopusa vawo.

ARoma 8:6,7 Kumvwila unkhalo uyipa ni kufwa kwamene, koma kumvwila Mzimu Mtuŵa kuleta moyo na mtendele. 7Malingililo ūa unkhalo uyipa otinkhana na Mulungu. Pakuti omvilalini Matetulo, nipo kulaŵila vyendi, angamvwilelini.

ARoma 11:20 Ni cendi. Koma yakhozoka cikomo cosacetekela koma mwewo

mwepanama cikomo ca cicetekelo. Tetyo, osalitama, nipo mukocita wowa.

- 2 AKolinto 10:5 nipo soti kuzikuza kulikonse kulesha wānthu kuziwa Mulungu. Tutwesha kuti lingililo iliyonse imvwile Kristu.
- 2 AKolinto 11:3 Njoka na kucenjela kwake italizya wenyé Eva. Nuyopa kuti malingililo wanu anganyemphekewe cimozi-mozi nipo mungaleke kuzitwala kwa Kristu na mtima wonse.

Aifeso 2:3 Tonse tenze ngani wēve na kuti tenzonkhala kulingana na unkhalo uyipa, kucita vonse venzopangwa unkhalo uyipa na malingililo wāsu. Kulingana na uwunthu wasu, sewo tuwamila kulangiwa na ukali wa Mulungu.

Aifeso 4:17 Mu zina ya Asikulu, nukuwuzyani nipo nulaŵilisha kuti musayende soti ngani mwakucitila wā kunja pokonkha malingililo wāwo aliye nchito

AKolose 1:21 Mwewo kale mwenze kutali na yeve, na malingililo ayipa, nocita viyipa (My. - MaLinganizyo 21:27; Ezekiyele 23:17)

AKolose 2:18 Aliyense asakulesheni kupokela cilambu ico. Awo otemwa kuliwonesha ngani wozicefyà, polomba ocinzika angelo. Oyika mtima pa vinthu vakuwona na meno. Olikuza paliye cikomo, pakuti okonkha nzelu za wānthu.

- 1 ATesolonika 5:14 Mwenekwasu, tukusengani kuti wānthu osapangwa kuseŵenza muŵacimule, otaya mtima mukowakosesha na wolefuka mukowayavya, nipo wānthu wonse mukolezya nawo mtima.
- 2 ATesolonika 2:2 Malingililo wanu asasung'uzyike keno osati asokonezeke mmangu. Nipo musayofyewe na malizu olawila kuti, "Nsiku ya Asikulu yafwika," cukanga kuti alawile kuti malizu na mauneneli aŵa afumila kwa sewo, keno tacita kuwalembela mu kalata.

1 Timoteyo 6:5 nipo kupyeshana mtima kosalekezya pakati pa wānthu ali na nzelu zecenekekkelatu nipo oziŵalini vyendi. Wēve olingilila kuti kulambilia Mulungu ni njila yofwanilamo cuma.

2 Timoteyo 3:8 Ngani mwecicitila Yane na Yambele kusushana na Mose, wānthu aŵa nawo soti osushana na vyendi.

Tito 1:15 Ku wānthu atuwā mtima, vinthu vonse ni vowamila. Koma kwa wofipishiwa na wosacetekela, paliye kanthu kaweme; mitima yawo na nzelu zawo kumo, vonse ni vofipishiwa.

AHebeli 12:3 Mukolingilila wala epilila ulwani wa wānthu wocimwa, kuti musalefuke notaya mtima.

Yakobe 1:8 pakuti yeve ni wa mitima iŵili, ni wosankhazikika pa vocita vake vonse.